

UGOVOR
O IZVOĐENJU RADOVA NA IZGRADNJI PJEŠAČKE STAZE I 2 PARKINGA SA PO 6
MJESTA U ULICI VOGOŠĆANSKIH ODREDA, NA PODRUČJU OPĆINE VOGOŠĆA-UGOVOR III

Zaključen u Vogošći dana 28.05.2021. godine na osnovu člana 72. Zakona o javnim nabavkama BiH ("Službeni glasnik BiH" broj: 39/14), a nakon provedenog Otvorenog postupka nabavke radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća, objavljenog na Portalu javnih nabavki BiH pod brojem: 1353-1-3-92-3-77/20 dana 28.05.2020. godine, sažetka Obavještenja o nabavci objavljenog u "Službenom glasniku BiH" broj: 31/20 od 05.06.2020. godine, Odluke o izboru najpovoljnijeg ponuđača broj: 07-11-878/20 od 19.06.2020. godine, Okvirnog sporazuma o uslovima i načinu izvođenja radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća broj: 07-11-878/20 od 06.07.2020. godine i Odluke/Sporazuma o zajedničkom pokretanju javne nabavke "Rekonstrukcija dijela lokalne saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina", broj: 07-11-406/20 od 25.02.2020. godine između:

1. Općine Vogošća, ulica Jošanička broj 80., koju zastupa Općinski načelnik Edin Smajić (u daljem tekstu Naručilac)
2. Direkcije za puteve Kantona Sarajevo, koju zastupa direktor Selmir Kovač (u daljem tekstu: Naručilac)
- i
3. "Ame" d.o.o. Breza, ulica Branilaca grada bb. Breza, koga zastupa direktor Nedžareta Omerhodžić (u daljem tekstu Izvođač).

Član 1.

Predmet ovog Ugovora je izvođenje radova na izgradnji pješačke staze i 2 parkinga sa po 6 mjesta u ulici Vogošćanskih odreda, na području općine Vogošća, a u skladu sa Ponudom od 27.05.2021. godine, koja odgovara uslovima iz Tenderske dokumentacije i uslovima iz Okvirnog sporazuma na osnovu kojih je Izvođač izabran za nabavku radova koji su predmet ovog Ugovora, i ista je sastavni dio ovog Ugovora.

Član 2.

Izvođač je dužan proučiti investiciono-tehničku dokumentaciju na osnovu koje se izvode radovi i ako bude trebalo od Naručioca zatražiti objašnjenje nedovoljno jasnih detalja.

Naručilac je dužan da postupi po zahtjevima Izvođača, kako ne bi došlo do zastoja u toku izvođenja radova.

Objašnjenja se daju u pismenoj formi.

Zahtjev za objašnjenja podnositi će u ime Izvođača direktor Nedžareta Omerhodžić, a objašnjenja u ime Naručioca davati će Općinski načelnik Edin Smajić.

Zahtjev za objašnjenja i data objašnjenja upisuju se u građevinski dnevnik.

Član 3.

Naručilac se obavezuje:

1. da Izvođaču preda investiciono-tehničku dokumentaciju po kojoj će se izvoditi radovi na izgradnji pješačke staze i 2 parkinga sa po 6 mjesta u ulici Vogošćanskih odreda, na području općine Vogošća;
2. da obezbijedi sredstva za finansiranje izvođenja radova na izgradnji pješačke staze i 2 parkinga sa po 6 mjesta u ulici Vogošćanskih odreda, na području općine Vogošća;
3. da Izvođaču plati ugovorenu cijenu na način i rokovima određenim ovim Ugovorom;
4. da Izvođača uvede u posao u skladu sa odredbama ovog Ugovora;
5. da osigura Nadzor na izvođenju radova i
6. da od Izvođača primi izvedene radove.



Član 4.

Izvođač se obavezuje:

- da će izvesti radove stručno i kvalitetno a u skladu sa standardima i normama predviđenim za ugovorenu vrstu radova u skladu sa Zakonom o prostornom uređenju;
- da će redovno voditi građevinski dnevnik, građevinsku knjigu i ostalu građevinsko-tehničku dokumentaciju, te da će obračun situacija vršiti samo na osnovu prethodno ovjerenih količina izvršenih radova u građevinskoj knjizi od strane Nadzornog organa;
- da će o svom trošku pribaviti sve ateste i garancije za sav ugrađeni materijal i opremu izdatu od ovlaštene institucije i iste predati Naručiocu;
- da će osigurati dokaze o kvalitetu radova i ugrađenih materijala i opreme prema važećim standardima i zahtjevima iz projekta;
- da će snositi sve eventualne štete pričinjenim trećim licima prilikom izvođenja radova, odnosno nastalih kao posljedica izvođenja radova;
- da će u roku od tri dana po potpisivanju ovog ugovora imenovati odgovornog rukovodioca radova i pismeno o tome obavjestiti Naručioca;
- da će obezbjediti izradu Elaborata privremene regulacije saobraćaja za vrijeme izvođenja radova (izrađen od ovlaštenog projektanta) u skladu sa ZOBS-om i Pravilnikom o uslovima, načinu, sadržaju i ovlaštenju za izradu elaborata privremene regulacije saobraćaja u toku izvođenja radova na javnoj cesti ("Službene novine Kantona Sarajevo" broj: 21/18);
- da na osnovu pribavljenog Elaborata dobije saglasnost za izmjenu režima saobraćaja od Ministarstva saobraćaja Kantona Sarajevo;
- da po dobijanju saglasnosti za izmjenu režima saobraćaja postavi kompletnu privremenu saobraćajnu signalizaciju potrebnu za izvođenje radova, a u skladu sa prihvaćenim elaboratom privremene regulacije saobraćaja;
- da će o svom trošku otkloni sve nedostatke na izvršenim radovima koji se eventualno utvrde u toku izvođenja radova, a na zahtjev i u roku koji odredi Nadzorni organ;
- da će po završetku radova ukloniti svu privremenu signalizaciju, a postojeću signalizaciju vrati u prvobitno stanje;
- da će otkloniti sve nedostatke prilikom primopredaje radova u roku koji odredi Nadzorni organ;
- da će otkloniti sve nedostatke u garantnom roku na koje ukaže Naručilac;
- da će po završetku i primopredaji radova ukloniti sav višak materijala i opreme sa gradilišta i
- da će zajedno sa Nadzornim organom sačiniti zapisnik o završenim radovima.

Član 5.

Cijena radova iz člana 1. ovog Ugovora utvrđena je na osnovu Ponude Izvođača od 27.05.2021. godine u iznosu od 42.814,01 KM bez uračunatog PDV-a, odnosno 50.092,39 KM sa uračunatim PDV-om.

Član 6.

Plaćanje po ovom Ugovoru obezbjediti će Općina Vogošća kao Naručilac na sljedeći način: bez avansa, po ispostavljenim privremenim i okončanim situacijama ovjerenim od strane nadzornog organa Naručioca, u roku od 30 dana od ispostavljanja situacije ili fakture na protokol Naručioca.

Član 7.

Ne može se zahtjevati izmjena ugovorene cijene zbog izvanrednih okolnosti koje su nastale po isteku predviđenog roka za izvođenje radova.

Član 8.

Izvođač je dužan da ugovorene radove na izgradnji pješačke staze i 2 parkinga sa po 6 mjesta u ulici Vogošćanskih odreda, na području općine Vogošća, u skladu sa specifikacijom Predmjera i predračuna radova izvede u roku od 30 dana, računajući taj rok od datuma uvođenja Izvođača u posao.

Izvođač je dužan da najkasnije u roku od 7 dana od dana obostranog potpisivanja ovog Ugovora, a nakon uvođenja u posao od strane nadzornog organa Naručioca, započne predmetne radove.

Član 9.

Ispunjenje svojih obaveza iz ovog Ugovora Izvođač je dužan da obezbjedi sopstvenom unutrašnjom kontrolom.

Član 10.

Naručilac ima pravo da vrši stručni nadzor nad radovima Izvođača i da na taj način kontroliše kvalitet radova i upotrijebljenog materijala, kao i tok radova i ispostavljene situacije Izvođača. Investiciono-tehnički nadzor će u ime Naručioca vršiti Zavod za izgradnju Kantona Sarajevo. Izvođač je dužan da omogući sprovođenje ovog nadzora. Nalaz i kontrole Naručioca upisuju se u građevinski dnevnik. Troškove ove kontrole snosi Naručilac.

Član 11.

Izvođač je dužan da postupi po svim osnovanim primjedbama i zahtjevima Naručioca datih na osnovu izvršenog nadzora i da u tom cilju, u zavisnosti od konkretne situacije, izvrši popravku i zamjenu ugrađenog materijala. Troškove koji nastanu na ovaj način snosi Izvođač.

Član 12.

Ukoliko se utvrdi da pojedini radovi ne odgovaraju ugovorenom kvalitetu, ali da se i pored toga mogu primiti, Naručilac ima pravo na odgovarajuće umanjeње ugovorene cijene.

Član 13.

Garancija za izvedene radove iznosi 2 (dvije) godine od primopredaje. Izvođač je dužan da u toku garantnog roka na prvi pismeni poziv Naručioca otkloni o svom trošku sve nedostatke koji se odnose na kvalitet radova, odnosno koji su nastali zbog upotrebe materijala koji ne odgovara ugovorenoj namjeni i kvalitetu.

Član 14.

Ako Izvođač ne pristupi izvršenju svoje obaveze iz predhodnog člana ni u roku od 8 (osam) dana od prijema ponovljenog pismenog poziva, Naručilac je ovlašten da za otklanjanje nedostataka angažuje drugo pravno ili fizičko lice, a da nastalim troškovima tereti Izvođača.

Član 15.

Izvođač je dužan da u toku izvođenja radova uredno vodi građevinski dnevnik i građevinsku knjigu sa izvedenim nacrtima. Također je dužan da ustroji knjigu inspekcije i da je čuva na gradilištu.

Član 16.

Građevinski dnevnik se vodi u dva primjerka, od kojih jedan uzima Naručilac, a drugi ostaje Izvođaču. Građevinska knjiga se vodi u jednom primjerku, i nakon ovjere od strane nadzornog organa se predaje Naručiocu.

Član 17.

Poslije konačnog obračuna Izvođač predaje Naručiocu građevinsku i inspekcijsku knjigu. Naručilac ovjerava okončanu situaciju na osnovu uvida u građevinsku knjigu ovjerenu od strane nadzornog organa.

Član 18.

Ako Izvođač zakasni sa izvođenjem radova dužan je da za svaki dan zakašnjenja plati Naručiocu ugovornu kaznu u iznosu od 1 % (jednog promila) od ukupne vrijednosti ugovorene cijene, a maksimalno 5 % od ukupne vrijednosti ovog Ugovora.

Penali iz stava 1. ovog člana neće se obračunavati ako do prekoračenja rokova nije došlo krivicom Izvođača radova ili ako je prekoračenje rokova nastupilo kao posljedica vanrednih događaja (viša sila) na koje izvođač nije mogao uticati.

Član 19.

Izvođač fakturiše izvršene radove putem mjesečnih situacija i okončane situacije.

Sve ispostavljene situacije moraju biti u skladu sa ugovorenom cijenom i izvršenim količinama radova.

U građevinski dnevnik unose se imena lica koja su od Naručica i Izvođača ovlaštena da u njihovo ime potpisuju situaciju.

Član 20.

Naručilac će ispostavljenu situaciju Izvođaču isplatiti u skladu sa članom 3. ovog Ugovora na transakcijski račun broj: 160200000813368, otvoren kod Vakufske banke d.d. Sarajevo, u korist Izvođača radova "Ame" d.o.o. Breza.

Član 21.

Primopredaja i konačan obračun izvedenih radova će se izvršiti u roku od 8 (osam) dana od prijema rješenja/obavještenja o završetku radova na izgradnji pješačke staze i 2 parkinga sa po 6 mjesta u ulici Vogošćanskih odreda, na području općine Vogošća.

Primopredaja i konačni obračun se vrše zapisnički.

Zapisnik potpisuju ovlašteni predstavnici Naručioca i Izvođača.

Ako se zapisnikom o primopredaji radova utvrde nedostaci u odnosu na ugovorene uslove, Izvođač radova je dužan otkloniti nedostatke u roku utvrđenom zapisnikom.

Član 22.

Naručilac može raskinuti ovaj Ugovor:

1. ako se Izvođač ne pridržava bilo kog člana ovo Ugovora i
2. ako je zaostajanje u izvođenju radova koji su predmet ovog Ugovora takvo da može dovesti u pitanje njihovo izvođenje i ako je do zaostajanja došlo krivicom Izvođača.

Član 23.

Naručilac može raskinuti ovaj Ugovor naročito u slijedećim slučajevima:

- ukoliko se Izvođač radova ne pridržava obaveza iz Okvirnog sporazuma ili ovog Ugovora, odnosno ukoliko grubo krši odredbe Okvirnog sporazuma odnosno ovog Ugovora,
- ukoliko kvalitet izvedenih radova nije u skladu sa tehničkim propisima,
- ako Izvođač radova ne izvede radove u predviđenom roku, izuzev ako je za odstupanje data pismena saglasnost Nadzornog organa,
- ako Izvođač radova izvodi radove nekvalitetno i ne izvršava poslove po nalogu Nadzornog organa,
- ukoliko poslove ustupi drugoj firmi ili podugovaraču poslova kojeg nije naveo u prihvaćenoj ponudi.

Član 24.

Naručilac može raskinuti ovaj Ugovor i zahtijevati naknadu štete i prije isteka roka za ispunjenje obaveza Izvođača radova, ako je očigledno da Izvođač neće ispuniti svoju obavezu iz Ugovora.

Član 25.

Ugovor se raskida u roku od 15 (petnaest) dana od dostave pismene izjave/obavjesti drugoj ugovornoj strani.

U izjavi/obavjesti mora biti navedeno po kom osnovu se Ugovor raskida.

Član 26.

U slučaju raskida Ugovora ili obustave radova Izvođač je dužan da izvedene radove obezbjedi od propadanja.

Troškove snosi ugovorna strana koja je odgovorna za raskid Ugovora, odnosno obustave radova.

Član 27.

Izvođač se obavezuje da preda безусловnu bankovnu garanciju Naručiocu u iznosu od 10% od vrijednosti Ugovora za uspješno izvršenje navedenih radova.

Izvođač će bankovnu garanciju dostaviti Naručiocu u roku od 10 dana od dana zaključivanja Ugovora, sa rokom važnosti: rok izvršenja ugovornih obaveza plus 30 dana.

Ukoliko Izvođač u navedenom roku ne dostavi безусловnu bankovnu garanciju, zaključeni ugovor smatra se ništavim.

Obrazac garancije za uredno izvršenje ugovora treba biti u formi predviđenom Pravilnikom o formi garancije za ozbiljnost ponude i izvršenje ugovora ("Službeni glasnik BiH" broj: 90/14).

Član 28.

Ugovorne strane su saglasne da Izvođač neće zapošljavati fizičke osobe koje su sudjelovale u pripremi tenderske dokumentacije i bile član Komisije za javne nabavke Naručioca.

Ograničenja u smetnji iz stava 1. ovog člana traju šest mjeseci od dana stupanja na snagu ovog Ugovora odnosno od početka njegove realizacije.

Član 29.

Za uređenje eventualnih odnosa koji nisu regulisani ovim Ugovorom, a proisteknu prilikom njegove primjene, primjenjivat će se odgovarajuće odredbe Zakona o obligacionim odnosima kao i odredbe Posebnih uzansi o građenju iz 1977. godine ("Službeni list SFRJ", broj: 18/77).

Član 30.

Sve eventualne sporove koji nastanu u realizaciji ovog Ugovora strane će riješiti sporazumno. Ukoliko se ne postigne sporazum, sporovi će se rješavati pred Općinskim sudom u Sarajevu.

Član 31.

Ovaj Ugovor je sačinjen u 8 (osam) istovjetnih primjeraka, od kojih 2 (dva) primjerka pripadaju Izvođaču, a po 3 (tri) primjeraka pripadaju Naručiocima.

Član 32.

Ovaj Ugovor stupa na snagu danom potpisivanja istog, odnosno od trenutka kada Izvođač radova dostavi Naručiocu безусловnu bankovnu garanciju za uredno izvršenje ugovora, u skladu sa članom 27. ovog Ugovora.

Ukoliko garancija za uredno izvršenje ugovora ne bude dostavljena na propisan način, shodno uslovima iz tenderske dokumentacije i u roku koji su odredili Naručioci, zaključeni ugovor će se smatrati apsolutno ništavim.

Izradio: Mirza Čutura

Kontrolisao: Sanjin Korman

Saglasna: Melisa Kršo

Saglasan: Fetah Kadrić

Broj: 07-11-878/20
Vogošća: 28.05.2021.godine

Broj: 041151152-11
Sarajevo: 17.06.2021.godine

NARUČILAC
Općinski načelnik

Edin Smajić

NARUČILAC
Direkcija za puteve Kantona Sarajevo

Direktor Selmir Kovač dipl.ing.saob

Broj: 53/21
Breza: 21.06.2021.godine



IZVOĐAČ
"Ame" d.o.o. Breza

Direktor Nedžad Omerhodžić

